



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1351 usque ad annum 1414

Fleury, Claude

August. Vind. [u.a.], 1768

VD18 90118278

§. 5. Carolus de Pace versatur in Italia.

[urn:nbn:de:hbz:466:1-66293](https://nbn-resolving.org/urn:nbn:de:hbz:466:1-66293)

Salamanticam profectus cunctos Præfules, Nobilesque, ac reliquos hanc ob rem convocatos die Dominica 19 Maji cathedrale in templum mane congregavit; peractoque sacrificio coram Cardinali Legato, & magna hominum multitudine legi voluit suam declarationem, qua rejiciebat Bartholomæum Prignanum ut intrusum sacram in sedem; & Papam agnoscebat Clementem tanquam legitime electum, ac verum Christi Vicarium.

Addebat vero istas condiciones: Clemens regni Episcopatus, aliaque beneficia solis conferet indigenis. Per litteras spondebit se nunquam sibi reservaturum redditus beneficiorum, vel bona Præfulum morientium. Episcopatum, aliorumque beneficiorum collationes per Urbanum factas non infirmabit. Promissa beneficiorum, quæ prima vacaverint, censurasque a sui electione usque ad Regis declarationem irrogatas retinet. Beneficia deinceps non arbitrio reservabit suo: neque decimas, aliave subsidia pecuniaria exiget.

§. V.

Carolus de Pace versatur in Italia.

Interea Carolus de Pace in Italiam, & Romam venit: ubi suaviter excepto Urbanus solenni ritu contulit Siciliam cis fretum

Sæcul. XIV.
A. C. 1381.

fretum sitam, nempe regnum Neapolitanum tanquam ad voluntatem Supremæ Sedis devolutum; intelligo, per amotionem Reginæ Joannæ, cujus tamen mentio nulla fit in litteris Apostolicis. Hoc, inquam, regnum Papa Carolo de Pace jure fiduciario dedit, ac iisdem fere conditionibus, quibus Carolo Andegavensi delatum fuerat anno 1265. Diplomati Calendis Junii anno 1381 exarato Cardinales octo sua subscripsere nomina. Eodemque die novus Rex Carolus Papæ tradidit litteras, ubi hanc concessionem agnoscit, singulas ejus condiciones fule commemorans; in quibus maxime singularis est hæc: Spondeo fore, ut Francisco Prignano Capuæ Principi, & posteris ejus conservem principatum Capuanum, ducatum Amalphitanum, pluresque terras alias, quas ei donasti, & quæ his in litteris enumerantur. Franciscus Prignano erat Papæ Urbani nepos, nulla laude clarus juvenis, cui Carolus de Pace has terras magnam regni sui partem conficientes invito cedebat animo: sed in hoc rerum statu nihil Papæ denegare poterat.

Sup. l. 85.
p. 35.

Rayn. n. 3.

Th. Niem.
l. 1. schism.
c. 23.

Neapolim versus deinde movit: cujus populus in Reginam confurgens Carolo portas aperuit 16 Julii. Regina Ovo castello se inclusit; & paulo post certis conditionibus deditioem subiit. Marito
ejus

Rayn. n. 24.

ejus Ottone Brunsvici Duce in pugna ca- Sæcul. XIV.
 pto Carolus regno potitus est. Inveni A. C. 1381.
 Neapoli duo Clementis Cardinales, scili- Vita p. 501.
 cet Jacobus Itrius, ac Leonardus Geo-
 phanius, alique Præsules tum Episcopi,
 tum Abbates earundem partium fauto-
 res in duros carceres mittebantur; ubi
 egestatem tolerabant, & miseriam, amif-
 sis beneficiis, cæterisque bonis suis: vi-
 tam quoque inibi ponebant quidam, ve-
 luti Cardinalis Itrius: quem Clementini
 putabant Martyrem.

Diè Veneris 6 Decembris Urbanus
 tres creavit Cardinales Diaconos de S.
 Nicolao *in carcere*, de S. Georgio *ad ve-*
lum aureum, & de S. Maria *in Dominica*.
 Primus erat Landulfus Neapolitanus, no-
 minatus Barii Archiepiscopus. Alter, Pe-
 trus, seu Perrinus Thomacellus pariter
 Neapolitanus, Archigrammateus Aposto-
 licus, postea Summus Pontifex sub no-
 mine Bonifacii IX. Tertius, Thomas Ur-
 finus Manupellius Romanus itidem Ar-
 chigrammateus.

§. VI.

Rusbroechii decessus.

Joannes Rusbroechius celebris ille rerum
 cælestium contemplator, cujus jam *Sup. lib. 96.*
 memini, obiit hoc Christi anno 1381, *S. 21.*
 ætatis suæ 88, sacerdotii 64. Continua

Z 5

mentis